

# 白鴿反基建 搞團最誠實

## 吳錦雄張宇添「霸頭位」 搶開高鐵大橋內地團

網議政事 嗱，香港反對派呢，除吃識派蛇齋餅糶之外，仲好識走位嘍！高鐵香港段同港珠澳大橋未起好，佢哋就喺度話項目點樣超支點樣唔好、內地幾咁「危險」；起好咗嘞，成班反對派就仆都仆唔切咁搞高鐵團、大橋團，帶街坊遊覽名山大川，擁抱粵港澳大灣區共同家園。唔少網民批評政棍一招走天涯，為反對而反對，但最後「身體都係好誠實」。有人更揶揄：「面皮薄啲都做唔出，無恥真係天下無敵！」

■香港文匯報記者 陳庭佳

工聯會新界東辦事處總幹事鄧家彪嘅日嘍facebook發帖，踢爆民主黨沙田區議員吳錦雄同社區主任張宇添，將會喺下月搞個「純玩兩天團」，去「歎盡中山順德私房菜」同埋遊覽「佛羅倫斯小鎮」，仲雞鵝咁大隻字標榜「一次過去晒兩個基建」，出發會經港珠澳大橋，返嚟就坐高鐵直達西九龍站，即係體驗「一地兩檢」咁話。


工聯會立法會議員陸頌雄就玩回帶：「睇返記錄：民主黨嘅2009年投票反高鐵（高鐵香港段撥款）；2016年嗰個立法會議員鄺俊宇亦講過『根本唔應該起高鐵』；至於高鐵（香港段）開幕禮，民主黨更加齊齊杯葛。或者，歲月會改變一切，就算當年嘅反對派，都會變成擁護者？」

佢仲提到民主黨錯處，留意到佢哋張海報用咗台灣高鐵（700T型）張相，而唔係和諧號、復興號或者動感號，「似乎唔太專業嘅？」

### 郭偉強譏反到底又霸頭位

工聯會另一位立法會議員何啟明都抽水：「（民主黨）這個行程不錯，搞到我都想跟去嘍！」同樣係工記議員嘅郭偉強就直線抽擊：「反到底又霸頭位，即刻現形。」

事件主角之一吳錦雄喺回覆傳媒查詢時就直認，自己因為搞呢個團，而俾黨內「提點」咗幾句。佢話民主黨有「提醒」過議員「盡量唔好搞呢個團」，黨內更加有人「提醒」佢應該「低調處理」。不過，黨內大佬唔係叫佢唔好搞，而係叫



▲周焯璋被踢爆會係聖誕節組團帶街坊坐動車去貴州。fb圖片

▲吳錦雄同張宇添搞「純玩兩天團」，標榜「一次過去晒兩個基建」，即係港珠澳大橋同高鐵香港段。fb圖片

佢哋搵自己嘅「衛星組織」，例如搵啲「居民協會」啲啲嚟主辦。

佢又辯稱，民主黨立法會已經表達咗反對意見，而呢啲基建已經上晒馬，居民都想見識吓，「民主黨都反對大嶼填海，唔通第日填完之後又唔去咩？」

其實「身體誠實」嘅點點吳錦雄一個咁！香港文匯報早前就踢爆前「街工」葵青區議員周偉雄嘅區議會反「一地兩檢」，結果咪又係「一次過去晒兩個基建」？

facebook專頁「泛民可恥行為事件簿」仲踢爆埋「新民主同盟」大埔區議員周焯璋，亦會係聖誕節組團帶街坊去貴州省旅遊，行程包括去黃果樹大瀑布、荔波小七

孔呢啲大路嘅，最特別就係一直係地區反高鐵嘅，竟然安排街坊去廣州南站坐貴廣和諧號動車去貴州，同埋安排佢哋享用「高鐵盒飯」嘍！

周生乜咁支持支持高鐵路突然？其實佢都係學黨內大佬喇囉囉囉（范國威）啫，事關港珠澳大橋未起好，咖啡飯都係咁反對，到起好食都係忍唔住上橋打卡，事後仲死撐自己「監督大橋」！

專頁就話嘍，既然咖啡飯可以「監督大橋」，咁周焯璋做細嘅都可以「監督高鐵」嘍！

查實周焯璋都有鋪帶街坊去內地旅遊嘅，好似上年9月，佢就同街坊同遊江門、中山兩日一夜。



■許智峯拉扯陳財喜。短片截圖



■許智峯用手攔住陳財喜。短片截圖

### 特稿

## 峯鴿又動粗

地球上係咪已經有嘢可以阻止到民主黨個許智峯（峯鴿）都手郁腳？繼搶保安局女EO電話，喺立法會同區議會撞保安同議員同事，許智峯前晚係威係勢咁facebook度貼咗段自己質問中西區區議會交通及運輸委員會主席陳財喜嘅片，佢質問內容就冇頭冇尾唔知到底係咩，但就好清楚見到佢最少三度出手拉住、捉住陳財喜，仲伸手攔住唔畀佢走。大家話唔係服務市民議員，叫許智峯文明啲係咪真係咁難呢？

## 拉扯攔路郁主席

許智峯前晚係fb貼咗段30幾秒嘅片，想睇30幾秒知道前因後果就有乜可能嘍，咁許智峯想大家睇咩呢？咪就係佢搵人幫手全程攝錄，自己就action埋位去質問陳財喜點解唔批准討論沙中線工程嘅文件囉。

### 自己放片「證有做嘢」

片中所見，許智峯不斷攔路質問陳財喜，仲一再出手拉扯扯扯，入到鏡嘅已經見到最少三下。陳財喜不斷講「你可唔可以唔好……」但每次未講完就俾許智峯打斷繼續質問，而對方已經講咗：「啱啱唔想答你住。」係囉，你鍾意做show拍片扮有做嘢嘍，人哋一定要陪你咩？有咩留返開會講嘍。

唔少網民見到許智峯又都手郁腳，都好睇唔過眼。「Ricky Wong」話佢「無賴」，「Edward Sung」就話佢「又博出位」，「Chuong Chuong Chuong」批評：「佢成日以為笑住就佢都有問題，捉手捉腳咁，衰格！可能佢真係好想坐監，俾（界）個機會佢啦！」「阿泳」亦質問：「許智峯為民主！你老×為自己咋華（嘞）！拍片為選舉！香港俾你玩嘍！垃圾！」

有啲人就覺得許智峯再一次對年輕人作出錯誤示範，「Yuko Tai」怒斥：「唔明點解仲可以做議員，D（啲）學生有樣樣！要討論問題，表達訴求要用咁咁方法……真係你睇下『泛民』嘅嘢長毛、李卓人（人）……個個都係用呢種方法先懂得同人對話！」「Way Yin」亦話：「佢根本覺得『用武力達到目的』是正常的。他是人格和認知有問題。」

「LW Chan」就索性問返鴿黨主席胡志偉：「呢隻鴿峰（峯）越嚟越癲呀！身為主席嘅胡志偉係咪應該要出嚟講下（吓）嘢呢？」上次許智峯亂噏話民主黨界錢支持佢上訴搶保安局女EO單嘢，胡志偉澄清完都有話過許智峯半句嘍，呢啲嘢佢又點會出聲？

■香港文匯報記者 甘瑜

# 建制批反對派圍攻陳健波咁議會時間

香港文匯報訊（記者 鄭治祖）立法會財委會主席陳健波就早前指反對「明日大嶼」者將成「歷史罪人」，反對派乘機發難，昨日接連在內務委員會和財務委員會做大文章。他們先在內會就不能在內會討論陳健波主持會議的「公正和獨立問題」而發難，再在財會討論對陳健波提出的不信任動議。多名建制派議員指出陳健波的言論並無問題，並批評反對派浪費議會時間，肆意拉布。

### 內會批鬥完 財會提不信任

「民主派會議」召集人毛孟靜在昨日內會上質疑內會主席李慧琼不批准她提出討論陳健波有關填海的言論，又不批准討論是否休會辯論事件，是「不能接受」的，更質疑對方「挖空心思」要「維護」陳健波。

李慧琼回應道，議事規則已有明文規定常務委員會的運作，亦訂明內會的運作，財會與內會並無任何從屬關係，而內會的職能是為立法會議作準備，因此她在此回覆毛孟靜，內會不應就財會事宜進行討論，而毛孟靜根據《議事規則》第十六條（4）動議休會待續議案，是錯誤引用了議事規則。

工聯會議員黃國健批評毛孟靜浪費內會時間。工程界議員盧偉國也認同李慧琼的處理絕對正確，他認為假如陳健波

所說，用10小時審批「明日大嶼」撥款，時間上並不短，因此毋須在此爭論。

不過，反對派其後再在財會會議上發功。公民黨議員郭家麒要求即時討論向陳健波提出的不信任動議，陳健波容許議員各發言1分鐘，並會另行安排會議正式處理有關問題。

民建聯議員周浩鼎在發言時批評，議員不應濫用議會時間，立法會不應是「拉布舞台」。九龍東議員謝偉俊指，陳健波提到填海前期研究撥款需要十多小時審議只是估計而非決定，故言論並沒有問題。在比較修改議事程序的前後，處理議題的時間上確會有分別。

陳：不再盲反願考慮道歉 新界西議員朱凱迪問陳健波會否收回有關反對「明日大嶼」的人是「歷史罪人」的言論，陳健波表示，假如反對派不盲目反對項目，他可以考慮對事件道歉。

### 特稿

立法會財委會主席陳健波話個反對派填海就係歷史罪人，反對派諗住議會用盡一切方法都要批鬥佢，但陳健波未聽低，「民主派會議」召集人毛孟靜就已率先中箭。近日有風聲傳出，話反對派陳健波講嘢當日已經有共識要郁佢，但身為召集人嘅毛孟靜一直無統籌具體行動，毛孟靜之後即刻係facebook話係「fake news（假新聞）」（下圖）。

邊個講法先係真，外人好難知，但傻嘅都知傳媒咁引述，講個個人一定唔會係建制派議員，而係反對派內部流出嚟。毛孟靜到底有幾多同路人，睇怕唔使講都知。

「民主派會議」召集人由反對派「四大板塊」搵人輪流擔任，上月開始輪到毛孟靜擔任。此前，Now新聞台嘅《政情》節目就爆料，話個位本來由公民黨陳淑莊做，但因為佢涉及嘅「佔中」案喺今個月開審，要由「議會陣線」頂上，而經商討後就決定由毛孟靜做。

同路人不滿無統籌批鬥陳 但係，有反對派中人當時都覺得大鑊，認為佢鍾意「個人表演」，未必夠「抵得諗」



毛孟靜未開「波」先中箭

去做對內對外嘅溝通工作。有人曾經諗過由同屬「議會陣線」嘅陳志全頂替，但對方報稱所屬嘅「人民力量」經常同主流反對派唔啱，費事尷尬而拒絕，結果都係毛孟靜。

《政情》早幾日又爆料，話反對派當日聽到陳健波講填海嘅言論，已經有「共識」要發炮攻擊，但毛孟靜就一直冇統籌具體行動，搞到要由公民黨郭家麒先行出招，係財委會針對陳健波提不信任動議，毛孟靜之後先宣佈要求內會討論事件。

### 報道出咗街 話係流料遮醜

毛孟靜節目出街後即刻出po（帖文），學晒美國總統特朗普口頭禪，話呢單係「假新聞」，由反對派當日有共識、佢無做統籌、郭家麒先出招到佢跟人口水尾都係「假」嘅。至於有「政界中人」叫佢「盡快進入角色」，佢就笑兩聲算數。

《政情》之後亦都喺網站登咗毛孟靜回應話，反對派當日並無達成共識，無共識係唔會有具體行動，至於內會同財委會跟進陳健波言論係係先提議嘅，話佢無做統籌並不符事實。

姑勿論係嗰風聲定係毛孟靜講法係真嘅，但毛孟靜成為「民主派會議」召集人無耐，就有自己友咁樣「做」佢嘍，睇嚟佢都要諗吓呢個位坐唔坐得暖！

■香港文匯報記者 鄭治祖



■蛇齋璋用自己張貼紙遮住大埔區議會嘅QR Code。fb截圖



■關永業同任啟邦都照辦煮碗，一於齊齊畫規。fb圖片

## 區會月曆派街坊「新同盟」當自己嘢

今日之星 周生乜又係你呀？「新民主同盟」個蛇齋璋（周焯璋）搞高鐵路，又俾人踢爆懷疑用公家嘅蛇齋餅糶去扮自己嘅嘢，都咁話唔厲害，令人「欽敬」。呢一招好快亦都係佢個黨度「發揚光大」，佢嘅黨友關永業同任啟邦都照辦煮碗，一於齊齊畫規。

### 涉貼自己樣邀功誤導人

話說各區區議會間唔中都會整啲禮物送街坊，大埔區議會最近就整咗堆月曆。「泛民可恥行為事件簿」fb專頁近日就爆蛇齋璋嘅蠱惑嘢出嚟：話說有街坊見到原

本大埔區議會嘅月曆上，蛇齋璋加料貼咗張印有自己個樣嘅貼紙，仲有自己嘅聯絡方法，兼遮住晒區議會嘅QR Code，就咁睇佢以為係大埔區議會個蛇齋璋送野畀大家嘍。

「泛民可恥行為事件簿」質疑：「蛇齋璋將用區議會錢做的日曆，好幾咁貼上自己的樣，仲要遮實區議會資料，被指違反撥款指引。」

睇返區議會網站，區議會撥款用途限制包括「對個別人士、商業機構、政黨或政治團體過譽或過分宣傳的活動。」網民「Kin Tak Fong」就批評蛇齋璋「不知所謂」，亦有人鬧佢唔要面。

咁蛇齋璋點睇呢？話說有網民都將呢個post貼去自己個群組度，仲有人tag（標註）埋蛇齋璋，點知蛇齋璋一句「多謝黨」就當自己回應咗，呢啲咁講聽市民意見、實際上當你有到嘅「泛民」囉。

呢頭話完蛇齋璋，過兩日又見到佢其他黨友一樣嘅。話「泛民可恥行為事件簿」前晚又貼出咗文話：「新民主同盟又多兩件無恥之徒做無恥行為。又係（條）政府資源貼上自己的×頭，就當係自己的宣傳品。」

其實都合理嘅，佢係志同道合先做到黨友嘍。 ■香港文匯報記者 鄭治祖